

**ÁKVÖRÐUN SAMEIGINLEGU EES-NEFNDARINNAR
nr. 129/2011****2012/EES/15/07****frá 2. desember 2011****um breytingu á II. viðauka (Tæknilegar reglugerðir, staðlar, prófanir og vottun) við
EES-samninginn**

SAMEIGINLEGA EES-NEFNDIN HEFUR TEKIÐ NEÐANGREINDA ÁKVÖRÐUN

með vísan til samningsins um Evrópska efnahagssvæðið, með áorðnum breytingum samkvæmt bókun um breytingu á samningnum um Evrópska efnahagssvæðið, er nefnist „samningurinn“ í því sem hér fer á eftir, einkum ákvæða 98. gr.,

og að teknu tilliti til eftirfarandi:

- 1) II. viðauka við samninginn var breytt með ákvörðun sameiginlegu EES-nefndarinnar nr. 115/2011 frá 21. október 2011 ⁽¹⁾.
- 2) Fella ber inn í samninginn reglugerð framkvæmdastjórnarinnar (ESB) nr. 10/2011 frá 14. janúar 2011 um plastefni og -hluti sem ætlað er að komast í snertingu við matvæli ⁽²⁾.
- 3) Samkvæmt ákvæðum reglugerðar (ESB) nr. 10/2011 falla úr gildi tilskipanir framkvæmdastjórnarinnar 80/766/EBE ⁽³⁾, 81/432/EBE ⁽⁴⁾ og 2002/72/EB ⁽⁵⁾, en þær gerðir hafa verið felldar inn í samninginn og ber því að fella þær úr samningnum.
- 4) Til hagræðingar skulu gerðirnar, sem tilgreindar eru undir fyrirsögninni „*GERÐIR SEM SAMNINGSADILAR SKULU TAKA MIÐ AF*“ í XII. kafla II. viðauka, endurtölusettar.
- 5) Ákvörðun þessi varðar löggjöf um matvæli. Ákvæði löggjafar um matvæli skulu ekki gilda að því er varðar Liechtenstein meðan ákvæði samnings Evrópubandalagsins og Sambandsríkisins Sviss um verslun með landbúnaðarvörur taka einnig til Liechtensteins, eins og fram kemur í inngangsorðum XII. kafla II. viðauka við samninginn. Ákvörðun þessi á því ekki að taka til Liechtensteins.

ÁKVÖRÐUNIN ER SVOHLJÓÐANDI:

1. gr.

Ákvæði XII. kafla II. viðauka við samninginn breytist sem hér segir:

1. Texti 25. liðar (tilskipun framkvæmdastjórnarinnar 80/766/EBE), 28. liðar (tilskipun framkvæmdastjórnarinnar 81/432/EBE) og liðar 54zzb (tilskipun framkvæmdastjórnarinnar 2002/72/EB) falli brott.
2. Eftirfarandi undirliður bætist við í 36. lið (tilskipun ráðsins 85/572/EBE):
„– **32011 R 0010**: Reglugerð framkvæmdastjórnarinnar (ESB) nr. 10/2011 frá 14. janúar 2011 (Stjtið. ESB L 12, 15.1.2011, bls. 1).“
3. Eftirfarandi liður bætist við á eftir lið 54zzzzm (reglugerð framkvæmdastjórnarinnar (ESB) nr. 16/2011):
„55. **32010 R 0010**: Reglugerð framkvæmdastjórnarinnar (ESB) nr. 10/2011 frá 14. janúar 2011 um plastefni og -hluti sem ætlað er að komast í snertingu við matvæli (Stjtið. ESB L 12, 15.1.2011, bls. 1).“
4. Liðir 55 (tilmæli framkvæmdastjórnarinnar 78/358/EBE) til 67 (tilmæli framkvæmdastjórnarinnar 2010/161/ESB) undir fyrirsögninni „*GERÐIR SEM SAMNINGSADILAR SKULU TAKA MIÐ AF*“ verði endurtölusettir sem 1. til 13. liður.

⁽¹⁾ Stjtið. ESB L 341, 22.12.2011, bls. 78, og EES-viðbætur við Stjtið. ESB nr. 70, 22.12.2011, bls. 12.

⁽²⁾ Stjtið. ESB L 12, 15.1.2011, bls. 1.

⁽³⁾ Stjtið. EB L 213, 16.8.1980, bls. 42.

⁽⁴⁾ Stjtið. EB L 167, 24.6.1981, bls. 6.

⁽⁵⁾ Stjtið. EB L 220, 15.8.2002, bls. 18.

2. gr.

Íslenskur og norskur texti reglugerðar (ESB) nr. 10/2011, sem verður birtur í *EES-viðbæti við Stjórnartíðindi Evrópusambandsins*, telst fullgiltur.

3. gr.

Ákvörðun þessi öðlast gildi 3. desember 2011, að því tilskildu að allar tilkynningar samkvæmt 1. mgr. 103. gr. samningsins hafi borist sameiginlegu EES-nefndinni (*).

4. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 2. desember 2011.

Fyrir hönd sameiginlegu EES-nefndarinnar

Kurt Jäger

formaður.

(*) Engin stjórnskipuleg skilyrði gefin til kynna.